

Amnesia

NEREA AZURMENDI



GARAPENAREN eguna ospatu genuenetik, inork ez dio jaramonik egiten Pertsiar golkoari. Basorako kaleetan hildakoen gorpuekin bazkatzen dira piztiak eta, bapatean, Bagdako lapurra demokraziara konbertitu den arren, aurrez arma moduan erabilia izan ez zen barne-oposizioa marineak baino eragingarriagoa dela dirudi.

Nire galderak ez dira sekula zorrotzak izaten, inuzentearen harridurak eragindakoak baitira. Baina, Husein tronutik botatzeko irakiarrak behar adineko ahalmenik badute, ez ote zen hauxe bera 150.000 hildako aurrezteko modu egokiagoa? Lotsatu egiten nau galderak berak, erantzuna segidan argizatzen baitzait: merkeegiak dira irakiarrek erabiltzen dituzten armak, eta Basoran askoz ere diru gutxiago dago Kuwait Cityn baino eraitsitako berreraikitzeke.

Baina guztion amnesia askoz ere larriagoa da. Non pausatu ote dira aurten Pertsiar golgora abiatzen ziren hegaztiak? Indar multinazionalak birrindutako arma-kimikotegien hondakinak aztiren batek erantsi ote ditu? Aldarrikatutako katastrofearen ondorioak pake santuarekin eza-butu ote dira? Bizitza bera arrastaka daramagun tangoa izan arren, distantzia ez da beti ahanztura.

Argazkilariek
badakite

JON SARASUA



SOBIET Batasunekoan bezala erreferendumen ekimena boteretik irteten denean, kalkulu asko eginda egoten da. Koxka da, noiz, ze esparrutan, ze aukera eta ze galdera egin. Eta zergatik. Erreferenduma argazki bat da. Aldea dago ze unetan egin, ze argirekin, ze objektiborekin, ze ikuspegiatik eta batez ere ze zati hartzen den argazkian. Ez da berdina pertsona bat eguzkia hartzen ari dela gorputz osoz hartzea, aurpegia nigarrez hartzea, ipurdia enfokatzea edo behetik gora fotoa egitea. Errebelatutako emaitza eta pertsona identifikatzeko joera dute batzuk. Baina fotoaren unea, enfokoa eta enkua-drea ahalduen erabakitzen dute.

Gure herriko korapiloan ere, hari punta batzu erreferendumetan hasten dira. Estatutoaren legitimazioaren hastapena finkatu zuena, oso une konkretu batean egin zen, aukera binario-murritzarekin. Beste bitan emaitza ez zen aldekoa izan, baina ez zuen balio; esparru arazoa. Horra hiru erreferendumen korapiloaren hiru hari puntu azaldu.

Bego erreferenduma, azken finean herriararren eta komunikabideen arteko nahia adierazteko era zuzenenetarikoa (norabide zentzuan) bait da. Tresna bat da, eskuhare, sardea edo igitaia. Baina inor ez dakidala mintza kategorikoki sobietar populuen borondateaz. Ez eta beste herri txikiago batenaz ere. Fotoak saldu nahi dituzte, baina errealtatea bideoak ere ez du harrapatzen.

●DEIA

Gerretan ez dago
berdinketarik



Ertamerikan asaldakuntza bide-tik joateak eta errepresioarekin erantzuteak ere porrota ekarri du. Baina porrota ez da ikusi behar garaien militar nabariak ezartzeko ezintasuna bezala, bide horiek inorentzat baliagarriak ez direla eta guztien aurkakoak direla ikusi eta barneratu beharreko gauza bezala baizik. Horrela izan behar ote zuenaren zailtasun bidezkoa izan liteke, gauza horiek inoiz arrazionalizatu ez arren, esperimendua estreinatzerakoan. Entsegu antzu eta kaltegarriaren une honetan Ertamerikako herriek ateratzen dituzten ondorioen norabidetik ekitea baino ez zaigu gelditzen.

JOSE FELIX
AZURMENDI / 1991-III-21

●EL CORREO ESPAÑOL

Paktuaren
publizitatea

Sozialistek presa dute sistema autonomikoa minimoetan eta behinbetirako «ixteko», gaizkien pentsatzen dutenak diotenaren arabera. Oposizio erregionalista eta



GALLEGO & REY / DIARIO 16 91-III-21

nazionalistak, matiz aldaketa garrantzitsuekin, autonomien egungo egitura «berriro hastea» edo «berrikustea» nahi du. Bozeramaleetako batzuk erabat harrituta geratu ziren, Gonzalezek autonomien Estatua berezitu eta ez uniforme dela esatearekin. Hala ere, lehendakariaren oharpena, konstituzio testuan guztiz onartutako nabaritasun garbia eta ximplea baino ez da.

RAMON MUR / 1991-III-21

●SUD OUEST

Ahaztuta

Michel Rocarden gobernuak hankaz gora bota du, deszentralizazio legeez eratutako Estatuak zein eskurantz baldintzak izango dituen aurrikusten duen proiektua.

Orain artekoa gauza sinplea zen: sistemak mesede gehiago egiten zien baliabide iturri aberatsak zituzten Udalerriei, Pariseri adibidez, ahalegin fiskal txikiagoa bait du Ile-de-Franceko beste herri baliabide gutxiagokoak baino. (...)

Konpromezuak bilatzeko ahalegina hasita dago; zeintzuk urrituko dituzten gure herriaren historiaren norabidea aldatuko ez duen proiektuaren gehiegikeriak, eta ez da nahikoa izango gestioile txarrak zinegotzi zuhur bilakatzeko.

JOEL AUBERT / 1991-III-21

●EL SOL

Armada
profesionala

Nabaria da gure soldadutzan

eraldaketa eta berrantolaketa sakona egin beharra dagoela. Egoera horietan, jende gehienak soldadutza, denbora alferrik galtzea delako ustea gainditzea beharrezkoa da, uste hori diskutitzen zaila den egia bait da. Aldi berean, egia da armada modernu batek, teknifikazio maila handiarekin, ezin diola ondo erantzun, ikasteko denbora hiru hilabetera ere iristen ez denean, eta prestakuntza hori erabat zaharkitutako ohitura eta metodoekin lortu denean.

Golko Pertsikora gure itxasontzietan bidaliak izan diren errenplazuko gazte batzuen imajinak, beraien trebetasuna hutsaren parekoa izanik, ordenagailuko gerra batean, Espainiako gizartearen egonezina baino ezin zezakeen sortu.

ENRIQUE CURIEL / 1991-III-21

ZUZENDARIARI

Batasuna

Aberri eguna gertu dagoela zer sor lezake honek abertzale baten bihotzean tristura ezik. Gure izaitea indartu, geure ideiak sendotu, geure aberria osatu... Nahi eta ezin. Zer onik ekarriko ote digu aberri egun honek geure ezaugarri garbia batasun eza izanik. Batzuek Donostian, ondokoek Donapaleun, beste zenbaitzuek Iruñean... Noiz ikusiko dugu euskal erakunde politiko abertzaleen jokaera ezberdin bat aberri egun batez elkarrenganako «gorroto», «mezprezu» eta «inbiriak» uzten ez badituzte. Non zokoratu ditugu geure sentimendu abertzaleak, zeren beldur gara, batzuk edo besteek esan, egin edo pentsatuko dutenaz agian?

Edonola zaila dugun etorkizuna beti okerragotzen ari gara. Sentimendurik gabeko «partidukeriatan» eroriak gaude eta hegoaldean nahiko ez bazen aurtengo aberri eguna iparraldean zatiturik ikusteko arriskutan gaude. Lotsik gabeko gizakumeak bihurtzen ari gara, aberria trupu zikinen orde salduaz gure barne muinak ustelaz. Zenbat indar elkarrenganako «borrokan», zer indar gutxi

geure jaiotzetik lastandu gaituen hizkuntza babestu eta indartzen. Zenbat oihu aurtengo aberri egunean, askatasuna dela, aurrerapena dela, aberria dela... Hau merezi al du gure aberriak, ezerezean geldituko diren oihu bananduen gainetik batasun ezaren oihuak beste orok menperatzea.

Abertzale guztiak, politiko erantzukizun garrantzitsua azpimarratuz, saia gaitzen geure herria askatzeko bide bakar eta nahitaezkoa abertzale denarentzat bilatzen, *Batasuna!*

«ASKATASUN ORRUA»
ELKARTEA
(EUSKADI)Patxi
Larrainzar

Apaiz; idazle, eta gainera irakasle, hori izan zen nerezat, orain dela urte pila bat, animazio soziokulturaleko ikastaro batean, Patxi irakurtzen zuen argia nola, kartela eta disko noiz eta non, han geunden emakume guztiok hari begira, Patxi nitaz ez zen fijatu ere, emakumeen talde hartan, ni arruntarik arruntena izan nintzen, baina erne nengoen bere trebetasuna ikasten,

kurtso hartatik haren artikulak irakurtzen, haren nortasunari begirakada botatzen, haren eginkera egiten egon naiz! Hemendik aurrera zer esanik ez! Joan dela (zaigula) irakurtzen nire belarrietan din dan, din dan, antzinako soinu dindandorreen, entzuten dut, kulturila emakume kulturila, esan zuen bai emakume kulturila, baina bera han zegoen emakume erdian erakusten, eta nik egun hartan junta berria ateratzeko bere botua eskatu nion telefonoz, bere botua nik jake mate nahi nuen egin; eta jake mate egiteko, peon on bat behar eta Patxi izan zedin pentsatu nuen, ezetz esan zidan eta emakumeen roloetan ez zela sartuko berresan, amorrazioa gelditu nuen baina amorrazioa pasa eta gero umorea, bere umore mingotz eta umore ona bihurtu zitzaidan, hark bazekien bizia bizitzeko umore fina eta ona behar dela, Patxiaren umorea!

Haren tankera kulturala egiten jarraituko dut, katea ez da apurtuko, agur irakasle jauna, gorde iezadazu zure ondoan, han justoen lekuan lekuren bat!

ANIMADORE
SOZIOKULTURALA
LIZARRA

PERTSONAIA



Felipe Gonzalez

Gobernu buru beti seguru
Andaluciako niño
zerbait aldatuz berdin jarraitzen
zenbat saio ta enpeño
jende umil ta behartsuentzat
enbusteri ta engaño
sozialista dugula berriz
bere karnetea diño
kapitalistei gehio laguntzen
dabil langileei baino.

JUAN MARI AREITIO «GAZTELU»

Administrazio Kontseiluko Lehendakaria:
MARTIN UGALDEKontseilu Editorialeko Lehendakaria:
JOAN MARI TORREALDAIKontseilari Ordezkarria:
JOXE MIEL ZUMALABEGerentea:
INMA GOMILAZuzendaria:
PELLO ZUBIRIAZuzendariordeak:
NEREA AZURMENDI
LUZIEEN ETXEHARRETA
IÑAKI URIAPublizitatea:
KORNELIO ROTETA

Egunkaria

Batzarde Parekidea: 72564 E
Lege Gordailua: SS 800/90

HELBIDEAK

Egoitza soziala, Administrazioa: Antso Jakituna, 16-1. / 20.010 Donostia / ☎ 46 90 22 / Faxe: 45 59 57
Erredakzio eta Tailerra: ANTZA S.A. Industrialdea 01-02 Pabilioak / 20.160 Lasarte-Oria / ☎ 37 15 45 / Faxe: 36 54 93

Publizitatea: Loiola, 14-1.3 / 20005 Donostia / ☎ 42 69 96 / Faxe: 42 93 18

Araba: San Antonio, 20-1. ezker. / 01005 Gasteiz / ☎ 23 38 72 / Faxe: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea / ☎ 17 80 78 / 79 / Faxe: 17 80 77

Bizkaia: Barroeta Aldamar, 2-1. eskua. / 48002 Bilbo / ☎ 423 90 62 / Faxe: 423 94 60

Lapurdi / Nafarroa Behera / Zuberoa: 2, Galuperia kaia. / 64100 Baiona / ☎ 59 59 35 75 / Faxe: 59 25 75 11